



SPORTSKO RIBOLOVNI SAVEZ BOSNE I HERCEGOVINE



BILTEN br. 1

XVI KUP JADRANSKO-PODUNAVSKIH ZEMALJA U FLY FISHINGU

RIJEKA DRINA

GORAŽDE

27.08.-30.08.2026. godine



Premijer BPK
Senad Čeljo

Poštovani predstavnici Sportskog ribolovnog saveza Bosne i Hercegovine,
uvaženi organizatori, cijenjeni takmičari i gosti,

zadovoljstvo mi je da vas, u ime Vlade Bosansko-podrinjskog kantona Goražde, pozdravim i poželim dobrodošlicu u naš grad.

Domaćinstvo ovog međunarodnog takmičenja potvrda je da Goražde i rijeka Drina imaju poseban značaj i potencijal kada je riječ o sportskom ribolovu i razvoju sportskog turizma. Ovo je ujedno jedan od najvažnijih sportskih događaja u ovoj godini, odmah nakon Evropskog prvenstva.

Ovaj događaj nije samo takmičenje, već i prilika da predstavimo naš kanton, njegove prirodne vrijednosti i potencijale, te da dodatno ojačamo njegovu prepoznatljivost na međunarodnom nivou.

Vlada Bosansko-podrinjskog kantona Goražde s ponosom je podržala ovu manifestaciju i nastavit će podržavati projekte koji doprinose razvoju sporta, turizma i očuvanju prirodnih resursa.

Dragi takmičari, želim vam uspješno i fer takmičenje, kao i ugodan boravak u Goraždu.
Hvala Vam!



Gradonačelnik
Ernes Imamović

Poštovani takmičari, cijenjeni gosti i prijatelji sportskog ribolova,

Veliko mi je zadovoljstvo poželjeti vam srdačnu dobrodošlicu u Goražde – grad na obalama Drine, koji s ponosom od 27. do 30. augusta 2026. godine ugošćava ovaj značajan međunarodni događaj. (XVI JPK u fly fishingu Goražde 2026).

Ovo takmičenje za naš grad ima poseban značaj, jer predstavlja priliku da Goražde predstavimo kao prepoznatljivu destinaciju sportskog ribolova, ali i kao grad bogate prirode, čistih rijeka i izuzetnih turističkih potencijala. Drina, kao jedan od naših najvećih prirodnih dragulja, simbol je ljepote, ali i neiscrpan resurs za razvoj sporta, turizma i zdravog načina života.

Uvjeren sam da će upravo ovakvi događaji doprinijeti jačanju turističke ponude našeg grada, povezivanju ljudi iz različitih zemalja, te promociji Goražda kao mjesta susreta, prijateljstva i vrhunskog sporta. Vaš dolazak za nas predstavlja veliku čast, ali i priliku da svijetu pokažemo sve ono najljepše što imamo.

Neka vam boravak u Goraždu protekne u sportskom duhu, fer i korektnom takmičenju, uz druženje, uspjeh i mnoštvo nezaboravnih trenutaka.

Dobro nam došli!



Predsjednik organizacionog
odbora
Aleksandar Kojić

Poštovani takmičari, prijatelji mušičarenja i dragi gosti,
Sa velikim zadovoljstvom i čašću pozivamo vas da učestvujete na XVI Jadransko-podunavskom KUP-u u mušičarenju, manifestaciji koja okuplja najbolje ribolovce, zaljubljenike u prirodu i istinske sportske prijatelje iz regiona.

Organizator KUP-a ove godine je SRS BiH, a domaćin i tehnički organizator je USR „Goražde“ Goražde, koje je ove godine dobilo priliku da po prvi put organizuje neko međunarodno takmičenje.

Ovo takmičenje nije samo prilika da pokažete svoje znanje, veštinu i sportski duh, već i da zajedno promovišemo ljubav prema rekama, očuvanju prirode i prijateljstvu koje mušičarenje oduvek neguje.

Radujemo se vašem dolasku, novim susretima, razmeni iskustava i nezaboravnim trenucima na vodi. Neka ovaj kup bude praznik sporta, fer-pleja i zajedništva, a najbolji neka pobjedi.

Dobro nam došli na XVI Jadransko-podunavski kup u mušičarenju! Želimo vam dobrodošlicu u našu zemlju, prijatan boravak u Goraždu, uspješan nastup, mirnu ruku, dobar ulov uz ribarski pozdrav BISTRO!



Predsjednik Udruženja
sportskih ribolovaca "Goražde"
Halid Pekaz

U ime Udruženja sportskih ribolovaca Goražde i kao predsjednik, izuzetna nam je čast i zadovoljstvo što imamo priliku da budemo domaćini XVI KUP-a Jadransko-podunavskih zemalja u fly fishingu, koji će se održati od 27.08. do 30.08.

Za naš grad i naše udruženje ovo je posebno priznanje, ali i obaveza da s ponosom ugostimo takmičare i goste iz zemalja učesnica Jadransko-podunavskog kupa. Goražde i rijeka Drina biće mjesto susreta sporta, prijateljstva i zajedništva.

Naša želja je da svi učesnici osjete iskreno gostoprimstvo, dobru organizaciju i ljepotu Drine koja već godinama okuplja zaljubljenike u fly fishing.

Radujemo se dolasku svih učesnika i vjerujemo da će Goražde ostati u lijepom sjećanju svakome ko bude dio ovog događaja.

GRAD DOMAĆIN GORAŽDE

Smješteno na obalama smaragdnozelene Drine, Goražde predstavlja jedan od najljepših gradova istočne Bosne i Hercegovine.

Grad bogate historije, gostoljubivih ljudi i očuvane prirode, Goražde je mjesto gdje se tradicija i prirodne ljepote skladno prepliću, stvarajući idealan ambijent za odmor, rekreaciju i sportska takmičenja. Posebno mjesto u identitetu grada zauzima rijeka Drina – jedna od najljepših i najčistijih rijeka u ovom dijelu Evrope.

Njena bistra voda, bogat riblji fond i očuvani prirodni ekosistem čine je pravim rajem za ljubitelje sportskog ribolova, a posebno fly fishinga. Drina je dom autohtonim vrstama riba, među kojima se izdvajaju mladica, lipljen i potočna pastrmka, zbog čega već decenijama privlači ribolovce iz Bosne i Hercegovine, regiona i cijelog svijeta.

Osim što pruža vrhunske uslove za sportski ribolov, Drina je simbol života i razvoja Goražda. Njene obale nude brojne mogućnosti za rekreaciju, šetnju i uživanje u netaknutoj prirodi, dok njena ljepota ostavlja snažan utisak na svakog posjetioca.



Goražde



Goražde

OPIS TAKMIČARSKIH STAZA

RIJEKA DRINA

Na području Goražda rijeka Drina predstavlja jednu od najkvalitetnijih salmonidnih ribolovnih voda u Bosni i Hercegovini. Njena bistra, hladna i kisikom bogata voda, stabilan tok i raznovrsna riječna konfiguracija stvaraju idealne uslove za život plemenitih ribljih vrsta i razvoj vrhunskog sportskog ribolova.

Korito rijeke na ovom dijelu karakterišu dublji bazeni, šljunkoviti sprudovi, brži slapovi i mirnije dionice, što ribolov čini izazovnim i zanimljivim tokom cijele godine. Širina rijeke kreće se uglavnom između 40 i 80 metara, dok dubina varira od manje od jednog metra na plićacima do više od 6 metara u najdubljim virovima.

Drina je poznata po izuzetno bogatom ribljem fondu. Najznačajnije vrste za sportski ribolov su lipljen (*Thymallus thymallus*), potočna pastrmka (*Salmo trutta*), mladica (*Hucho hucho*), a prisutne su i klen, škobalj, mrena, plotica, krkuša, som i smuđ. Upravo zbog brojnosti lipljena i potočne pastrmke, goraždanska Drina već godinama slovi za jednu od najcjenjenijih fly fishing destinacija u regionu.



LOKACIJA

ODRŽAVANJA TAKMIČENJA



Sektor A– Gradska zona Gorazde

Sektor A nalazi se u samom centru Gorazda i predstavlja jedan od najatraktivnijih dijelova rijeke Drine za mušičarski ribolov. Karakteriše ga široko korito rijeke sa kombinacijom mirnijih i srednje brzih tokova, što takmičarima omogućava primjenu različitih tehnika mušičarenja.

Voda u ovom sektoru je izuzetno bistra, sa prepoznatljivom zeleno-plavom bojom Drine, dok dubina i brzina toka variraju duž cijelog sektora. Uz obalu dominiraju sporiji i plići dijelovi sa šljunkovitim sprudovima, dok se prema sredini rijeke nalaze dublji kanali i jači tokovi bogati kiseonikom.

Takva konfiguracija vode stvara idealne uslove za zadržavanje plemenitih vrsta ribe i zahtijeva precizno čitanje vode i prilagođavanje tehnike ribolova.

Dno sektora je uglavnom šljunkovito i kamenito, sa manjim prijelazima u pjeskovite dijelove, što dodatno doprinosi raznovrsnosti staništa i ribolovnih pozicija.

Tok rijeke u gradskoj zoni pruža odličnu preglednost i pristupačnost, dok kombinacija brzaka, preliva i mirnijih džepova vode čini ovaj sektor tehnički veoma zanimljivim za takmičare. Sektor je pogodan za sve discipline mušičarenja, a posebno dolazi do izražaja sposobnost pravilnog odabira mušice i prezentacije u različitim uslovima toka vode

LOKACIJA ODRŽAVANJA TAKMIČENJA

COMPETITION VENUE



Sektor B – Zelena / Zupčici

Sektor B „Zelena – Zupčici“ nalazi se uzvodno oko 3 kilometra od gradske zone Goražda, na srednjem toku rijeke Drine. Ovaj dio takmičarske staze karakteriše prirodan ambijent, bistra voda i mirniji tok rijeke sa izraženim prelazima između sporije i umjereno brze vode. Širina rijeke u ovom sektoru kreće se približno od 60 do 90 metara, uz srednju dubinu i veoma dobru preglednost vode.

Korito rijeke uglavnom čine šljunak, kamen i plići sprudovi, dok travnate i prirodno uređene obale omogućavaju dobar pristup većem dijelu sektora. Na pojedinim pozicijama formiraju se dublji kanali i mirnije zone koje predstavljaju idealna staništa za lipljena i potočnu pastrmku.

Sektor je veoma pogodan za sve tehnike mušičarenja, posebno za ribolov nimfom i suhom mušicom, dok u određenim dijelovima odlične rezultate daje i ribolov strimerom. Ujednačen tok rijeke i raznovrsna konfiguracija vode pružaju fer i zanimljive uslove za takmičenje.

Prirodno okruženje, stabilan tok Drine i raznovrsnost ribolovnih pozicija čine sektor „Zelena – Zupčici“ jednim od atraktivnijih dijelova takmičarske staze JPK Goražde 2026

LOKACIJA ODRŽAVANJA TAKMIČENJA

COMPETITION VENUE



Sektor C – Sadba / Džindići

Sektor C „Sadba – Džindići“ nalazi se uzvodno prema Foči, na udaljenosti od oko 11 kilometara od gradske zone Goražda. Smješten je u prirodnom i mirnijem dijelu toka rijeke Drine, okružen zelenilom i karakterističnim pejzažom gornjeg toka rijeke.

Ovaj sektor karakteriše nešto uža i tehnički zahtjevnija voda, sa kombinacijom dubljih kanala, sporijih dijelova i prelaza sa umjerenom strujom. Širina rijeke u ovom dijelu kreće se približno od 50 do 80 metara, uz veoma bistru i stabilnu vodu pogodnu za takmičarski mušičarski ribolov.

Korito rijeke uglavnom čine šljunak, kamen i plići sprudovi, dok pojedini dijelovi sektora imaju izražene dubinske promjene koje predstavljaju idealna staništa za lipljena i potočnu pastrmku. Raznovrsna konfiguracija vode omogućava kvalitetan ribolov tokom cijelog takmičenja i zahtijeva dobro poznavanje toka rijeke i preciznu prezentaciju mušice.

Sektor je posebno pogodan za ribolov nimfom i suhom mušicom, dok u dubljim dijelovima odlične rezultate može dati i ribolov strimerom. Ujednačenost toka i prirodne karakteristike vode pružaju fer i zanimljive uslove za sve takmičare.

Prirodni ambijent, mirnije okruženje i atraktivna konfiguracija rijeke čine sektor „Sadba – Džindići“ jednim od najljepših i najinteresantnijih dijelova takmičarske staze JPK Goražde 2026d atraktivnijih dijelova takmičarske staze JPK Goražde 2026

PROGRAM TAKMIČENJA

1.Dan - Četvrtak,27.08.2026.

Trening van takmičarske staze

-15,30 h – Prijava ekipa – restoran „Drinska bašta“

-16,00 h – Sastanak kapitena i žrebanje

-20,00 h – Ceremonija otvaranja obavit će se u Gradskoj dvorani u Goraždu,a koktel dobrodošlice u restoranu „Drinska bašta“

2.Dan – Petak,28.08.2026.

-14,30-15,30 h – Odlazak na stazu

-16,00 h – Početak takmičenja

-19,00 h – Završetak takmičenja

-19,00-19,30 h – Mjerenje ulova

3.Dan – Subota,29.08.2026.

-14,30-15,30 h – Odlazak na stazu

-16,00 h – Početak takmičenja

-19,00 h - Završetak takmičenja

-19,00-19,30 h – Mjerenje ulova

4.Dan – Nedelja,30.08.2026.

-07,30-08,30 h Odlazak na stazu

-09,00 h – Početak takmičenja

-12,00 h – Završetak takmičenja

-12,00-12,30 h – Mjerenje ulova

14,00 h – Proglašenje pobjednika i svečani ručak obavit će se u restoranu „Drinska bašta“

PRAVILA TAKMIČENJA I RIBE KOJE SE LOVE

Na XVI Jadransko-Podunavskom Kupu primjenjivat će se zvanična pravila Fips-Moucha Federacije. Takmičenje se odvoja u tri sektora A-B-C

Modifikovana pravila

- Boduju se sve ribe iznad 200 mm
- Boduju se sve ribe iznad 200 mm
- Riba se mjeri na kraju takmičenja uz prisustvo sektorskog sudije,sudije mjerača i dva susjedna takmičara
- Dozvoljen je lov sa tri muhe bez povratne (kontra) kuke
- Ulovljena riba se čuva u propisanim čuvaricama sa prstenovima (obručima),koje je dužan da obezbjedi svaki takmičar
- Na rijeci je dozvoljeno gaženje
- Svaka ekipa je dužna da sa sobom ponese zastavu i himnu svoje države.

VRSTE RIBA

- Lipljan
- Potočna pastrmka
- Kalifornijska pastrmka
- Mladica
- Klen
- Škobalj
- Plotica
- Mrena

Na zvaničan trening koji će se održati 27.08.2026.godine van takmičarske staze,kao i dane ranije ko želi da dođe u ribolov,dužni su se javiti predsjedniku udruženja Pekaz Halidu na tel.061 467 350,kod koga će dobiti informacije o mjestu i uslovima ribolova.

INFORMACIJE O NAČINU DOLASKA

Kako do nas:

Goražde - Ljubljana 630km

Goražde - Zagreb 470km

Goražde - Podgorica 190km

Goražde - Beograd 310km

Goražde - Skoplje 550km

Goražde - Budimpešta 560km

Goražde - Sofija 510km

Goražde - Prag 1100km

Instrukcije plaćanja

SPORTSKO RIBOLOVNI SAVEZ BiH - Ive Andrića 4

71123 I. Sarajevo

IBAN CODE: Ba391611000001273183

SWIFT: RZBABA2S

Uplatu kotizacije u iznosu od 400eura po ekipi treba izvršiti na devizni račun SRS BiH kod Raiffeisen Bank prema priloženim instrukcijama za plaćanje najkasnije do **10.08.2026.** godine a prijave ekipa izvršiti do **01.08.2026.** godine.

Kotizacija obuhvata troškove za organizaciju takmičenja, otvaranje i zatvaranje takmičenja, pehare, medalje i svečani ručak na dan zatvaranja takmičenja.

PRIJAVNI OBRAZAC

PRIJVNI FORMULAR	
Naziv udruženja	
Adresa	
Grad	
Federacija/Savez	
Država	
Telefon	
e-mail adresa	
Tel. Kontakt osobe	
e-mail kontakt osobe	
Datum	
Potpis	

FORMULAR ZA REGISTRACIJU UČESNIKA		
Naziv udruženja		
Federacija/Savez		
Država		
	IME	PREZIME
Takmičar 1		
Takmičar 2		
Takmičar 3		
Rezervni takmičar		
Tim menadžer		
Datum		
Potpis		

Popunjene obrasce prijave možete poslati na adresu
SRS BiH do 01.08.2026. godine na mail:srsbihk@gmail.com

INFORMACIJE O SMJEŠTAJU

Hotel Behar

Trg branilaca, Goražde

Tel. +387 38 227 997

Mob. +387 62 195 850

e-mail: hotel.behar@yahoo.com



Hotel Casablanca

Mravinjac bb, Goražde

Tel. +387 38 822 000

e-mail: casablanca_mravinjac@bih.net.ba



Malena doo Hotel

43. drinske brigade 32, Goražde

Tel. +387 38 971 991



INFORMACIJE O SMJEŠTAJU

Apartments Jasmin

Rabite 27, Goražde

Tel. +387 63 025 588



Pansion Baša

Ustikolina bb, Ustikolina

Tel. +387 62 408 509



Restaurant & Pansion Drinska Bashta

Omladinska 9, Goražde

Tel. +387 38 221 543

+ 387 38 227 731



“Apartmani Drina”

Tel. +387 61 649 349



POKROVITELJI

Organizator: SRSBiH



UNIS "GINEX"
D.D. GORAŽDE

